

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI



BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI
STRUČNA SLUŽBA GRADONAČELNIKA

Primljeno: 16-01-2026			
Org. jed.	Kl. ozna.	Red. broj	Br. priloga
01	04	122/26	

Broj: 02-04-2605/25-AP-3
Datum: 16.10.2026. godine

GRADSKO VIJEĆE ZAVIDOVIĆI
n/r PREDSJEDAVALA GRADSKOG VIJEĆA
Hadžić dr Amira, spec. radiolog

PREDMET: Prijedlog Odluke o izmjenama Odluke o komunalnim
taksama općine Zavidovići, dostavlja se

U prilogu akta dostavljam Vam Prijedlog Odluke o izmjenama Odluke o komunalnim
taksama općine Zavidovići.

Prijedlog Odluke o izmjenama Odluke o komunalnim taksama općine Zavidovići sa
obrazloženjem gradonačelnice, dostavljam Gradskom vijeću Zavidovići radi uvrštavanja u
dnevni red sjednice Gradskog vijeća.

Obzirom da se ne radi o obimnoj i složenoj Odluci predlažem da Gradsko vijeće
Zavidovići Prijedlog Odluke razmatra po skraćenom postupku bez Nacrta u skladu sa članom
130. stav (1) Poslovnika o radu Gradskog vijeća Zavidovići - novi prečišćeni tekst („Službeni
glasnik Grada Zavidovići“, broj: 7/2022 i 1/2023).


S poštovanjem


PO RJEŠENJU GRADONAČELNICE
broj: 02-04-3/25-AP-2 od 03.01.2025. godine
SEKRETAR GRADSKOG ORGANA
DRŽAVNE SLUŽBE


Dostavljeno:

1. Naslovu,
2. U spis.

Nermin Čahtarević, dipl. pravnik

Akt pripremila: 
(Fatima Merdanović)

Akt pregledao: 
(Nermin Čahtarević)





Broj: 02-04-2605/25-AP-2
Datum: 16.01.2026. godine

Na osnovu odredbe člana 8. stav (3), alineja 28) i člana 13. stav (2) alineja 4) Zakona o principima lokalne samouprave u Federaciji Bosne i Hercegovine („Službene novine FBiH“, broj: 49/06 i 51/09), Mišljenja Ustavnog suda Federacije Bosne i Hercegovine („Službene novine F BiH“, broj: 33/25), člana 13. stav (4) Zakona o pripadnosti javnih prihoda u Federaciji Bosne i Hercegovine („Službene novine FBiH“, broj: 22/06, 43/08, 22/09, 35/14, 94/15 i 17/22) i člana 10. stav (1) tačka 2. Privremene Statutarne Odluke Grada Zavidovići („Službeni glasnik Općine Zavidovići“, broj: 4/22) i člana 19. stav (2) Statuta Općine Zavidovići („Službeni glasnik Općine Zavidovići“, broj: 5/08 i 5/a/2008), Gradsko vijeće Zavidovići na __. sjednici, održanoj __. __. 2026. godine, donosi

ODLUKU

o izmjenama Odluke o komunalnim taksama općine Zavidovići

Član 1. (Usklađivanje)

U Odluci o komunalnim taksama općine Zavidovići („Službeni glasnik Općine Zavidovići“, broj: 9/2017, 4/2018 i 9/2018) u cijelom tekstu riječ „općine“ mijenja se u riječ „grada“, riječ „općinskog“ mijenja se u riječ „gradskog“, a riječi „općinskog načelnika“ mijenjaju se sa riječju „gradonačelnika“, u odgovarajućem padežu.

Član 2. (Osnov za plaćanje takse)

U članu 1. Odluke, stav (1) tačka 1., se briše, a dosadašnje tačke 2., 3. i 4. postaju tačke 1., 2. i 3.

Član 3. (Definicija pojmova)

U članu 2. Odluke, stav (1) tačka 1. se briše, a dosadašnje tačke 2., 3. i 4. postaju tačke 1., 2. i 3.

Član 4. (Isticanje firme)

Član 7. Odluke, se briše.

Član 5.
(Umanjenje komunalne takse)

Član 11. Odluke, se briše.

Član 6.
(Osnovica komunalne takse)

U članu 12. Odluke dio teksata iza riječi „osnovica komunalne takse“, a koji glasi: „na istaknutu firmu i“, se briše.

Član 7.
(Visina komunalne takse)

- (1) U članu 13. u stavu (1) Odluke iza teksta: „mjerila za utvrđivanje visine komunalne takse“, brišu se riječi „na istaknutu firmu i“,
- (2) U članu 13. u stavu (2) Odluke iza teksta: „visine komunalne takse“, brišu se riječi : „na istaknutu firmu i“,
- (3) U članu 13. u stavu (3) Odluke, iza teksta: „... prostora na kome je“, brišu se riječi: „na istaknutu firmu i“,
- (4) U članu 13. u stavu (4), Odluke iza teksta: „... obezbjeđuje obvezniku komunalne takse u zoni u kojoj je“, brišu se riječi: „na istaknutu firmu i“.

Član 8.
(Tarifni brojevi)

U članu 14. Odluke, stav (1) Tarifni broj 1., u cijelosti se briše.

Član 9.
(Stupanje na snagu)

Ove Izmjene Odluka stupaju na snagu prvog narednog dana od dana objavljivanja u „Službenom glasniku Grada Zavidovići“, a primjenjuju se od 01.01.2026. godine.

PREDSJEDAVAJUĆA
GRADSKOG VIJEĆA

Amira dr Hadžić, spec. radiolog

OBRAZLOŽENJE

USTAVNOPRAVNI I ZAKONSKI OSNOV ZA UVOĐENJE ODLUKE

U članu 8. stav (3), alineja 28., stav (2) alineja 4) Zakona o principima lokalne samouprave u Federaciji Bosne i Hercegovine („Službene novine FBiH“, broj: 49/06 i 51/09), stoji :

„U vlastite nadležnosti jedinica lokalne samouprave posebno spadaju:

- donošenje propisa o porezima, naknadama, doprinosima i taksama iz nadležnosti jedinica lokalne samouprave;“

U članu 13. stav (2) alineja 4) Zakona o principima lokalne samouprave u Federaciji Bosne i Hercegovine („Službene novine FBiH“, broj: 49/06 i 51/09), stoji:

„Vijeće u okviru svoje nadležnosti:

- donosi propise o porezima, taksama, naknadama i doprinosima jedinice lokalne samouprave u skladu sa zakonom ;“

U stavu (2) Mišljenja Ustavnog suda Federacije BiH stoji:

„Od dana objave Mišljenja u službenim novinama Federacije BiH: a) Kantonalne skupštine, gradska i opštinska vijeća na teritoriji FBiH koje propisuju obavezu plaćanja komunalne takse / naknade za isticanje firme dužni su u razumnom roku iz svojih propisa ukloniti odredbe kojima se propisuje komunalna taksa na istaknutu firmu i utvrđuje obaveza plaćanja komunalne takse na istaknutu firmu.“

U člana 13. stav (4) Zakona o pripadnosti javnih prihoda u Federaciji Bosne i Hercegovine („Službene novine FBiH“, broj: 22/06, 43/08, 22/09, 35/14, 94/15 i 17/22) propisano je:

„Općinska vijeća donose propise kojima se utvrđuje visina naknada po osnovu korištenja i uređenja zemljišta, kao i visina drugih naknada, novčanih kazni i taksi u njihovoj nadležnosti.“

U članu 10. stav (1) tačka 2. Privremene Statutarne Odluke Grada Zavidovići („Službeni glasnik Općine Zavidovići“, broj: 4/22) propisano je: „Gradsko vijeće u okviru svoje nadležnosti donosi odluke i druge opće akte kojima uređuje pitanja iz samoupravnog djelokruga Grada.“

U članu 19. stav (2) Statuta Općine Zavidovići („Službeni glasnik Općine Zavidovići“, broj: 5/08 i 5/a/2008) određeno je: „Općinsko vijeće donosi opće akte i druge akte u okviru samoupravnog djelokruga Općine, te obavlja druge poslove u skladu sa Ustavom, zakonom i ovim statutom.“

RAZLOZI ZA DONOŠENJU ODLUKE I OBJAŠNENJE ODABRANE POLITIKE

Zamjenik Premijera Federacije BiH Toni Kraljević (u daljem tekstu: podnosilac zahtjeva) podnio je dana 06.03.2025. godine Ustavnom sudu Federacije BiH zahtjev za davanje Mišljenja, u vezi, kako se navodi, primjenom stavova Ustavnog suda Federacije izrečenih u presudama toga suda i nadležnosti za komunalne takse.

Ustavni sud Federacije BiH utvrdio je sljedeće Mišljenje: „U skladu sa konačnim i obavezujućim odlukama Ustavnog suda Federacije BiH obaveza plaćanja komunalne takse / naknade na istaknutu firmu nije u skladu sa Ustavom Federacije BiH, te shodno tome, od dana objave ovog Mišljenja u „Službenim novinama F BiH“, svi dolje Navedeni organi dužni su postupati u skladu sa ovim Mišljenjem.

U stavu (2) Mišljenja Ustavnog suda Federacije BiH stoji: „Od dana objave Mišljenja u službenim novinama Federacije BiH: a) Kantonalne skupštine, gradska i opštinska vijeća na

teritoriji FBiH koje propisuju obavezu plaćanja komunalne takse / naknade za isticanje firme dužni su u razumnom roku iz svojih propisa ukloniti odredbe kojima se propisuje komunalna taksa na istaknutu firmu i utvrđuje obaveza plaćanja komunalne takse na istaknutu firmu.“

USKLAĐENOST ODLUKE SA KANTONALNIM I FEDERALNIM PROPISIMA

Odredbе Odluke o izmjeni Odluke o komunalnim taksama općine Zavidovići, usklađene su sa odredbama Zakona o principima lokalne samouprave u Federaciji Bosne i Hercegovine („Službene novine FBiH“, broj: 49/06 i 51/09) i Mišljenjem Ustavnog suda Federacije Bosne i Hercegovine („Službene novine F BiH“, broj: 33/25).

OBRAZLOŽENJE PRAVNIH RJEŠENJA U ODLUCI

U osnovnoj Odluci za koju se rade Izmjene Odluke definisano je:

- Članom 1. definisano je usklađivanje Odluke,
- Članom 2. definisan je osnov plaćanja takse,
- Članom 3. regulisano je definicija pojmova u Odluci,
- Članom 4. regulisano je isticanje firme (briše se, član 7. Odluke),
- Članom 5. propisano je umanjenje komunalne takse (briše se, član 11. Odluke),
- Članom 6. regulisana je osnovica komunalne takse,
- Članom 7. propisana je visina komunalne takse,
- Članom 8. propisani su Tarifni brojevi i
- Članom 9. Regulisano je stupanje na snagu izmjena Odluke.

ODREDBE ODLUKE KOJE SE MIJENJAJU

Član 1.

(Osnovi za plaćanje takse)

Na području općine Zavidovići propisuju se i naplaćuju komunalne takse za:

1. Svaku istaknutu firmu,
2. Držanje žive muzike u ugostiteljskim objektima,
3. Za obavljanje djelatnosti kockanja i klađenja,
4. Korištenje uređaja za pružanje usluga mobilne telefonije.

Član 2.

(Definicija pojmova)

U smislu ove Odluke

1. pod istaknutom firmom podrazumijeva se ime pod kojim pravno ili fizičko lice posluje,
2. pod držanjem žive muzike u ugostiteljskim objektima podrazumijeva se povremeno ili svakodnevno izvođenje muzičkog programa uz pružanje ugostiteljskih usluga,
3. pod obavljanjem djelatnosti kockanja i klađenja podrazumijeva se rad mjesta za priređivanje igara na sreću, kao što su kockarnice, automat - klubovi i kladionice, te

- usluge priređivanja igara na sreću kao što su lutrijske igre i kladenjena konjske trke izvan mjesta održavanja utrke,
4. pod korištenjem uređaja za pružanje usluga mobilne telefonije podrazumijeva se stavljanje u funkciju baznih stanica mobilne telefonije, mikrobaznih stanica mobilne telefonije, predajnika (pasivnih repetitora), antena i stubova.

Član 7. (Isticanje firme)

- (1) Pravna i fizička lica koja obavljaju djelatnost na osnovu odobrenja nadležnog organa dužna su na vidnom mjestu svih prostora gdje obavljaju djelatnost istaknuti naziv firme.
- (2) Pod nazivom firme podrazumijeva se: naziv firme pod kojim je takseni obveznik registrovan kod nadležnog organa, sjedište lica kao i broj, odnosno naziv poslovne jedinice kada se firma ističe na poslovnoj jedinici.
- (3) Firma se ističe najkasnije danom početka obavljanja djelatnosti.

Član 11. (Imanjenje komunalne takse)

- (1) Pravno ili fizičko lice koje počne da obavlja djelatnost, oslobađa se komunalne takse na istaknutu firmu za prvu godinu poslovanja (prva godina počinje teći od dana izdavanja rješenja o registraciji), a drugu godinu poslovanja plaća taksu u visini od 50%.
- (2) Izuzetno, mladi (do 35 godina) koji po prvi puta pokreću vlastiti biznis, se oslobađaju plaćanja komunalne takse za prvu godinu poslovanja, a za naredne dvije godine plaćaju taksu u visini od 50%.
- (3) Preduzeću koje prestane da obavlja djelatnost u toku godine, taksa na istaknutu firmu se obračunava samo za broj mjeseci u kojima je obavljao djelatnost.
- (4) Preduzeća sa više poslovnih jedinica, bez obzira da li im je poslovno sjedište na području općine Zavidovići, za prvu Poslovnu jedinicu, bilo da je riječ o izdvojenoj lokaciji van poslovnog sjedišta, podružnici, filijali, ekspozituri, šalteru i slično, na području općine Zavidovići, plaćaju obavezu komunalne takse na istaknutu firmu u 100% iznosu, a za svaku narednu Poslovnu jedinicu obaveza se umanjuje za 20%, s tim što komunalna taksa na istaknutu firmu po Poslovnoj jedinici ne može biti manja od 100,00 KM.

Član 12. (Osnovica komunalne takse)

Osnovica komunalne takse na istaknutu firmu i za korištenje uređaja za pružanje usluga mobilne telefonije je jedinstvena i iznosi 150,00 KM uz primjenu ostalih mjerila za utvrđivanje visine komunalne takse.

Član 13. (Visina komunalne takse)

- (1) Mjerila za utvrđivanje visine komunalne takse na istaknutu firmu i za korištenje uređaja za pružanje usluga mobilne telefonije su koeficijent položajne pogodnosti i zona u

kojoj je firma istaknuta odnosno zona u kojoj su postavljeni uređaji za pružanje usluga mobilne telefonije.

(2) Visina komunalne takse na istaknutu firmu određuje se množenjem jedinstvene osnovice komunalne takse na istaknutu firmu i za korištenje uređaja za pružanje usluga mobilne telefonije sa koeficijentom položajne pogodnosti.

(3) Koeficijent položajne pogodnosti određen je jedinstveno za sve vrste djelatnosti po zonama urbanog dijela općine Zavidovići u zavisnosti od pripadnosti određenog poslovnog prostora na kome je istaknuta firma odnosno prostora na kojem su postavljeni uređaji za pružanje usluga mobilne telefonije u skladu sa Odlukom o određivanju zona („Službeni glasnik Općine Zavidovići“, broj: 9/2011).

(4) Koeficijent položajne pogodnosti utvrđen je zavisno od pogodnosti koje se obezbjeđuju obvezniku komunalne takse u zoni u kojoj je istaknuta firma odnosno obavlja djelatnost.

(5) Pod pogodnošću podrazumijeva se obim i stepen izgrađenosti i uređenosti i položaja zemljišta komunalnim građevinama i instalacijama, saobraćajne povezanosti, vrste i kapaciteta objekta za svakodnevno i periodično snabdijevanje, stepena pokrivenosti naselja objektima za zdravstvo, obrazovanje i kulturu i prirodnih uslova.

(6) Koeficijenti položajne pogodnosti upisani u kolonama tabele označenim sa zvjezdicom (*) predstavljaju područja izvan urbanog dijela općine Zavidovići.

Član 14. (Tarifni brojevi)

Tarifni broj 1.

Za svaku istaknutu firmu, oznaku, obilježje ili natpis na poslovnim prostorijama i objektima, kojim se označava da određeno pravno ili fizičko lice obavlja izvjesnu djelatnost ili zanimanje, obračunava se i plaća se godišnja taksa množenjem jedinstvene osnovice komunalne takse na istaknutu firmu sa koeficijentom položajne pogodnosti.

OSNOVICA KOMUNALNE TAKSE NA ISTAKNUTU FIRMU 150,00 KM	KOEFIKIJENT POGODNOSTI PO ZONAMA						
	I	II	III	IV	V	VI	*
	1,35	1,30	1,25	1,20	1,15	1,10	1,00

Tarifni broj 2.

Za priređivanje žive muzike u hotelima i disco klubovima, plaća se dnevno – 50,00 KM po danu muzike, a u ugostiteljskim objektima, plaća se dnevno – 10,00 KM, s tim da se za istu podnosi prijava poreznoj upravi najkasnije tri dana prije početka izvođenja muzike.

Tarifni broj 3.

Za obavljanje djelatnosti kockanja i klađenja plaća se taksa u iznosu od 200,00 KM godišnje po uplatnom mjestu. Sredstva uplaćena po ovom osnovu koristit će se namjenski u svrhu unapređenja i razvoja sporta na području općine Zavidovići.

Tarifni broj 4.

Za korištenje uređaja za pružanje usluga mobilne telefonije plaća se godišnja taksa i to:

1. Bazna stanica mobilne telefonije,
2. Mikrobazna stanica mobilne telefonije,
3. Predajnici (pasivni repetitori), antene i stubovi, plaća se godišnja taksa množenjem jedinstvene osnovice komunalne takse za korištenje uređaja za pružanje usluga mobilne telefonije sa koeficijentom položajne pogodnosti.

OSNOVICA KOMUNALNE TAKSE ZA KORIŠTENJE UREĐAJA MOBILNE TELEFONIJE 150,00 KM	KOEFIČIJENT POGODNOSTI PO ZONAMA						
	I	II	III	IV	V	VI	*
	1,35	1,30	1,25	1,20	1,15	1,10	1,00

PROVEDBENI MEHANIZMI I NAČIN OSIGURAVANJA POŠTIVANJA ODLUKE

Služba za upravu finansija, budžet i trezor Grada Zavidovići zadužena je za realizaciju ove Odluke.

OBRAZLOŽENJE FINANSIJSKIH SREDSTAVA ZA PROVOĐENJE ODLUKE I FINANSIJSKI EFEKTI ODLUKE

Za provođenje ove Odluke nije potrebno posebno planirati sredstva u Budžetu Grada Zavidovića, međutim upravo će usljed primjene obavezujućeg Mišljenja Ustavnog suda Federacije BiH, te donošenjem ovih Izmjena Odluke o taksama općine Zavidovići od 01.01.2026. godine prihodi u Budžetu općine / grada Zavidovići će biti manji cca 140.000 KM, a koji su se prosječno godišnje ostvarivali u budžetu.


OPIS KONSULTACIJA VOĐENIH U PROCESU IZRADE ODLUKE

U procesu izrade ove Odluke konsultovani su navedeni propisi koji su i pravni osnov za donošenje Odluke.

PO RJEŠENJU GRADONAČELNICE
broj: 02-04-3/25-AP-2 od 03.01.2025. godine
SEKRETAR GRADSKOG ORGANA
DRŽAVNE SLUŽBE

Nermin Čahtarević, dipl. pravnik


Akt pripremile:


(Sanela Mulahasanović i Amira Tadić)

Akt pregledao:


(Midhat Bajramović)

Akt revidirao:


(Sunija Ramić)

Akt pregledao:


(Nermin Čahtarević)



02 -

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI
Služba za upravu finansija, budžet i trezor



BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI
STRUČNA SLUŽBA GRADONAČELNIKA

Primljeno: 23-12-2025			
Org. jed.	Kl. oznaka	Red. broj	Br. priloga
02	09	2605/25	

Broj: 02-04-2583/25-AP-4
Datum: 18.12.2025. godine


Stručna služba gradonačelnika
-Ovdje-


PREDMET: Prijedlog Odluke o izmjenama Odluke o komunalnim taksama općine Zavidovići, dostavlja se

U prilogu ovog akta dostavljamo Vam Prijedlog Odluke o izmjenama Odluke o komunalnim taksama općine Zavidovići, radi upućivanja u dalju proceduru.

S poštovanjem

Dostavljeno:
1. Naslovu,
2. U spis.

POMOĆNIK GRADONAČELNICE

Midhat Bajramović, dipl. ecc.

Akt pripremila: 
(Sanela Mulahasanović)